

Bosna i Hercegovina  
Federacije Bosne i Hercegovine  
Tuzlanski kanton  
Općina Gračanica  
OPĆINSKI NAČELNIK  
Broj:02-44-03526/14  
Datum, 20.10.2014.g.

Na osnovu člana 15. Zakona o principima lokalne samouprave („Službene novine Federacije Bosne i Hercegovine“, broj 49/06.), člana 16. Statuta Općine Gračanica („Službeni glasnik Općine Gračanica” broj 4/09.), člana 6. Pravilnika o bližim kriterijima, postupku i dokumentaciji neophodnoj za ostvarivanje prava za dodjelu novčanih sredstava i građevinskog materijala na ime pomoći vlasnicima uništenih ili oštećenih stambenih objekata na području Općine Gračanica, broj: 02-44-03457/14 oo 14.10.2014. godine a u vezi sa Zakonom o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije Bosne i Hercegovine“, broj 59/14.), Uredbom o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije Bosne i Hercegovine“, broj 66/14.) i Odluke o o utvrđivanju prioriteta u raspodjeli sredstava za izgradnju stambenih objekata na području Tuzlanskog kantona za potrebe porodica čiji su stambeni objekti uništeni usljed prirodne nesreće, broj: 02/1-14-21839/14 od 23.09.2014. godine, Općinski načelnik, d o n o s i

#### **ODLUKU**

#### **o raspisivanju javnog konkursa i kriterijima za raspodjelu sredstava Federalnog fonda za pomoć nastradalim područjima, vlasnicima uništenih stambenih objekata prirodnom nesrećom**

##### **Član 1.**

Raspisuje se javni konkurs za pomoć vlasnicima (pravnim i faktičkim) uništenih stambenih objekata na području općine Gračanica usljed prirodne nesreće uzrokovane obilnim kišnim padavinama.

##### **Član 2.**

Za raspodjelu sredstava iz prethodnog člana ove Odluke, obezbjeđuju se sredstva Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, na način da su određena novčana sredstva u ukupnom iznosu od 1.000.000,00 KM (slovima: million konvertibilnih maraka) za izgradnju stambenih objekata za potrebe porodica čiji su stambeni objekti uništeni za vrijeme prirodne nesreće, a da su ista članom II Odluke o utvrđivanju kriterija, dodjeli i usmjeravanju sredstava nastradalim područjima Upravnog odbora Federalnog fonda za pomoć nastradalim područjima od prirodne nesreće, broj: 01-14-10/14 od 04.09. 2014. godine i broj: od 30.09.2014. godine, raspoređena po općinama Tuzlanskog kantona tako da Općini Gračanica **za ukupno 4(četiri) korisnika dodijeljen iznos od 143. 000,00 KM**

**(slovima: sto četrstet tri hiljade KM) pri čemu je pojedinačna vrijednost bespovratnih sredstava po jednom korisniku 35.700,00 KM (slovima: tridesetpethiljada sedamstotina KM).**

##### **Član 3.**

Pravo na učešće po osnovu javnog konkursa iz člana 1. ove Odluke, imaju lica, koja ispunjavaju slijedeće uslove:

- 1.da su bili vlasnici stambenih zgrada, (pravni ili faktički) u momentu proglašenja stanja prirodne nesreće, odnosno na dan 05.05.2014. godine;
- 2.imali državljanstvo BIH i prijavljeno mjesto prebivališta na području općine Gračanica na dan 05.05.2014. godine.
3. da je odlukom nadležne komisije za procjenu šteta utvrđeno, da je stambeni objekat iz tačke 1. ovog

stava, uništen prirodnom nesrećom proglašenom na području općine Gračanica 05.05.2014. godine i da se ne može koristiti za stanovanje.

Pod stambenim objektom u smislu ove Odluke podrazumjeva se objekat namijenjen za stanovanje i koji je bio uništen prirodnom nesrećom i u kojem su u vrijeme proglašenja stanja prirodne nesreće pravni i faktički vlasnik objekta i članovi njegovog porodičnog domaćinstva, imali prijavljeno mjesto prebivališta.

Pravo na novčanu pomoć može ostvariti samo jedan član porodičnog domaćinstva vlasnika uništenog stambenog objekta iz predhodnog člana ove Odluke.

Ako objekat ima više suvlasnika i više domaćinstava, pravo na pomoć po odredbama ove Odluke može ostvariti samo jedan od suvlasnika uništenog stambenog objekta.

#### **Član 4.**

Javni Konkurs se objavljuje u jednom dnevnom listu, na web stranic i oglasnoj tabli Općine Gračanica, oglasnim tablama mjesnih zajednica i putem Radio Gračanice.

Tekst javnog konkursa sadrži:

- 1.predmet javnog konkursa;
- 2.korisnike sredstava, koji imaju pravo na podnošenje prijave;
- 3.uslove iz Odluke, koji podnosioci prijave moraju ispunjavati;
- 4.popis dokumenata koje je potrebno priložiti uz prijavu;
- 5.osnovne kriterije odabira, 6.mjesto i rok za dostavu prijave;
- 7.rok za donošenje odluke o odabiru, koji ne može biti duži od 15 dana od dana zatvaranja javnog konkursa

#### **Član 5.**

Dokumentacija, koja se prilaže kao dokaz o ispunjavanju uvjeta iz ove Odluke je slijedeća:

- 1.dokaz o državljanstvu (ovjerena foto-kopija lične karte ili uvjerenje o državljanstvu);
- 2.dokaz o vlasništvu (pravnom ili faktičkom) na uništenoj stambenoj zgradi na području općine Gračanica na dan proglašenja stanja prirodne nesreće (zk.izvod, izvod iz posjedovnog lista ili drugi dokument koji može poslužiti kao dokaz o vlasništvu);
- 3.kopija zapisnika Općinske komisije za procjenu šteta o pričinjenoj šteti u iznosu od 100% na stambenom objektu podnosioca zahtjeva, odnosno u kojem je navedeno da je objekat potpuno uništen;
- 4.ovjerenu izjavu pod krivičnom i materijalnom odgovornošću da su podnosilac zahtjeva i punoljetni članovi porodičnog domaćinstva imali mjesto prebivališta u uništenom ili oštećenom stambenom objektu na dan 05.05.2014. godine ;
- 5.urbanistička saglasnost, građevinska i/ili upotrebna dozvola za objekte koji posjeduju navedenu dokumentaciju (fotokopija);
6. ovjerena kućna lista
- 7.uvjerenje o statusu nezaposlenosti za sve punoljetne članove domaćinstva, izdato od strane Službe za zapošljavanje;
- 8.uvjerenje JU Centar za socijalni rad (za korisnike stalne novčane pomoći i osobe u stanju socijalne potrebe)
- 9.uvjerenje Službe za boračko-invalidsku zaštitu i raseljene osobe ili Federalnog ministarstvo za pitanja boraca i invalida odbrambeno-oslobodilačkog rata - Grupa za pitanja evidencija iz oblasti vojne obaveze Gračanica.
- 10.uredno popunjen zahtjev na prijavnim obrascu

Dokaz iz tačke 2., 3. i 8. predhodnog stava ovog člana, prvostepena komisija iz člana 6. ove Odluke će pribaviti po službenoj dužnosti, a ostale dokaze će dostaviti podnosilac prijave uz prijavu.

U slučaju sumnje o ispunjavanju uvjeta iz tačke 4. predhodnog stava ovog člana, od nadležnog organa uprave za vođenje evidencije o prebivalištu, provjerit će se izjava iz tačke 4. predhodnog stava ovog člana ili provjera izvršiti na drugi pogodan način.

### **Član 6.**

Radi provođenja javnog konkursa, Općinski načelnik će formirati Komisiju, koja ima predsjednika i 4. člana, različitih struka.

Na osnovu prijave, komisija po potrebi izlazi na teren, provjerava navode podnosioca zahtjeva, po potrebi sasluša predsjednika savjeta mjesne zajednice o činjenicama vezanim za zahtjev korisnika i po službenoj dužnosti pribavlja dokumentaciju od nadležnih organa.

Po okončanju provjere i kompletiranju dokumentacije iz predhodnog stava ovog člana, Komisija vrednuje i boduje prijave o čemu sačinjava zapisnik i rang listu korisnika sa prioritetima u odabiru korisnika.

### **Član 7.**

Prioritet u odabiru korisnika za dodjele sredstava u skladu sa ovom Odlukom utvrđuje se na način da se vlasnici (faktički ili pravni) uništenih stambenih zgrada boduju po slijedećim kriterijima:

1. posjedovanje urbanističke saglasnosti, građevinske i upotrebne dozvole
  - posjedovanje urbanističke saglasnost ..... 10 bodova
  - posjedovanje građevinske dozvole ..... 15 bodova
  - posjedovanje upotrebne dozvole ..... 20 bodova

2. stepen oštećenja stambenog objekta
  - uništen ili oštećen stambeni objekat iz kategorije VI (teško oštećeni objekti u ruševnom stanju) i uništeni ili oštećeni stambeni objekti koje se nalaze na klizištu koje nije moguće ili nije ekonomski opravdano sanirati..... 30 bodova
  - oštećeni stambeni objekti iz kategorije IV i V (objekti s jako izražanim oštećenjima) ..... 10 bodova
  - oštećeni stambeni objekti iz kategorija I, II i III (objekti sa umjereno izraženim oštećenjima) ..... 5 bodova

Stepen oštećenja stambenih objekata utvrđuje se prema kategorizaciji i klasifikaciji oštećenja iz Uredbe o jedinstvenoj metodologiji za procjenu šteta od prirodnih i drugih nesreća i prioritetima za saniranje šteta nastalih djelovanjem prirodnih i drugih nesreća na području općine Gračanica.

Ako se stambeni objekat nalazi na klizištu, koji nije moguće ili nije ekonomski opravdano sanirati, mišljenje o mogućnosti sanacije daje stručna komisija za klizišta imenovana od strane Općinskog načelnika Gračanica.

3. broj članova porodičnog domaćinstva
  - jednočlano domaćinstvo..... 1 bod
  - dvočlano domaćinstvo ..... 3 boda
  - tročlano domaćinstvo ..... 5 bodova
  - četveročlano domaćinstvo ..... 7 bodova
  - višečlano domaćinstvo ..... 10 bodova

4. socijalni status domaćinstva
  - korisnici stalne novčane pomoći (po domaćinstvu) ..... 20 bodova

- četiri i više nezaposlenih punoljetnih članova domaćinstva ..... 20 bodova
- tri nezaposlena punoljetna člana domaćinstva ..... 15 bodova
- dva nezaposlena punoljetna člana domaćinstva ..... 10 bodova
- jedan nezaposlen punoljetni član domaćinstva ..... 5 bodova

Ako više domaćinstava živi u jednom stambenom zgradi, ovaj kriterij se primjenjuje na način da se uzimaju u obzir svi članovi domaćinstava, koji žive ili su živjeli u uništenoj ili oštećenoj stambenoj zgradi na dan proglašenja stanja prirodne nesreće.

5. pripadnost boračkim kategorijama u skladu sa članom 25. Zakona o dopunskim pravima branitelja i članova njihovih porodica (Službene novine Tuzlanskog kantona broj: 05/12, prečišćeni tekst i 05/14)

- dijete šehida, poginulog, umrlog, nestalog branitelja bez oba roditelja i ratni invalid sa oštećenjem organizma od 100% I grupe ..... 10 bodova
- porodično domaćinstvo sa dva i više šehida, poginulih, umrlih, nestalih branitelja i ratni vojni invalid sa oštećenjem organizma od 100% II grupe ..... 9 bodova
- dobitnik ratnog priznanja i odlikovanja u okviru kategorije u kojoj se pojavljuje kao podnosilac zahtjeva ..... 8 bodova
- porodično domaćinstvo šehida, poginulog, umrlog, nestalog branitelja i ratni vojni invalid sa oštećenjem organizma od 90%, 80% i 70% ..... 7 bodova
- član užeg porodičnog domaćinstva poginulog, umrlog i nestalog dobitnika ratnog priznanja ili odlikovanja..... 6 bodova
- ostali ratni vojni invalidi prema procentu invalidnosti (do 60% invaliditeta) ..... 5 bodova
- demobilisani branitelji ..... 4 boda
- članovi užeg porodičnog domaćinstva umrlog ratnog i mirnodopskog vojnog invalida, umrlog dobitnika ratnog priznanja i odlikovanja, umrlog demobilisanog branitelja..... 3 boda

Pod članom užeg porodičnog domaćinstva iz tačke 5. ovog člana smatraju se roditelji, bračni drug i djeca do navršenih 25 godina života, ako se nalaze na redovnom školovanju, kao i braća i sestre, koji su proglašeni nesposobnim za privređivanje.

6. mišljenje komisije o prioritetu odabira.....do 10 bodova

### **Član 8.**

Rang listu iz člana 6. stav 3. Ove Odluke Komisija objavljuje na web stranici i oglasnoj tabli Općine Gračanica, oglasnim tablama mjesnih zajednica i dostavlja svim učesnicima javnog konkursa.

### **Član 9.**

Protiv rang liste iz člana 8. ove Odluke svaki učesnik javnog konkursa može podnijeti prigovor Drugostepenoj komisiji za rješavanje po prigovoru u roku od 3 (tri) dana od prijema Rang liste iz člana 8. ove Odluke.

Prigovorom se može tražiti preispitivanje provedene procedure u smislu eventualnih propusta u ocjeni prijave korisnika od strane Komisije iz člana 8. ove Odluke.

Drugostepenu komisiju iz stava 1. ovog člana, u sastavu predsjednik i dva člana, imenuje Općinski načelnik.

### **Član 10.**

Drugostepena komisija iz prethodnog člana ove Odluke razmatra prigovore, te utvrđuje njihovu osnovanost.

Ukoliko Drugostepena komisija utvrdi da su prigovori osnovani, izmijenit će rang listu, a ako utvrdi da prigovori nisu osnovani odbit će prigovor kao neosnovan.

O svojoj odluci po prigovoru, Drugostepena komisija obavještava podnosioca zahtjeva i Općinskom načelniku dostavlja konačnu rang listu s nacrtom odluke o odabiru korisnika i iznosu dodijeljenih sredstava u roku od 3 (tri) dana od dana isteka roka za prigovor.

Konačna rang lista službit će i za sve druge donacije u novcu i materijalu.

#### **Član 11.**

Općinski načelnik razmatra nacrt i usvaja Odluku o odabiru korsinika sa iznosom dodijeljenih sredstava.

Odluka Općinskog načelnika je konačna i protiv nje se ne može izjaviti žalba ili neki drugi redovni pravni lijek.

#### **Član 12.**

Sa korisnicima sredstava i predstavnicima općine Gračanica direktor Fonda će potpisati ugovor.

Dobivena sredstva korisnik je dužan iskoristi za namjenu plaćanja nabavke građevinskog materijala i troškove izgradnje objekta, što će se precizirati ugovorom iz prethodnog stava ovog člana.

Nakon realizacije potpisanih ugovora korisnici sredstava dužni su dostaviti Općini Gračanica dokumentaciju o namjenskom utrošku sredstava, kako bi ista bila proslijeđena Vladi Tuzlanskog kantona i Federalnom fondu za pomoć nastradalim područjima od prirodne nesreće na teritoriji Federacije Bosne i Hercegovine.

#### **Član 13.**

Isplatu odobrenih novčanih sredstava će vršiti Služba za budžet, lokalni razvoj i finansije, na osnovu ugovora iz prethodnog člana ove Odluke na račune korisnika pomoći.

#### **Član 14.**

Kontrolu namjenskog utroška dodijeljenih sredstava iz predhodnog člana ove Odluke, vršit će posebna stručna komisija imenovana od strane Općinskog načelnika.

#### **Član 15.**

Članovi Komisije iz člana 6., 9. i 14. ove Odluke, ne ostvaruju pravo na naknadu za rad u Komisiji.

#### **Član 16.**

Odluka stupa na snagu danom njenog donošenja, a objavit će se u „Službenom glasniku Općine Gračanica“.

**OPĆINSKI NAČELNIK**

**Nusret Helić**